

# Өдртән хойр норм кўцәнә

Черноземельск района МЖС олна малд элвгәр теджәл белддж авхд кўчн-чидлән болн эв-аргъан сәанәр олзлсн учрар, июнин 11 кўртл өвс хадх зурагъан 63,7 процент кўцәв.

Эн района Комсомольск МЖС 90 минъгън гектар газрин агъуд өвс хадх даалгъвр-та, тер даалгъвран 93 процент кўцәв, Полевой МЖС 140 минъгън гектар газрт өвс хадх зурата, тер зурагъан 66,3 процент кўргдж кўцәв.

Өвс хадлгъна, мааджурдлгъна, ковнъгллгъна, скирдлгънә кōдлмшиг Полевой МЖС-н механизатормуд тегштнъ кедж-кўцәджәнә. Тегәд эн МЖС

райондан болн совхозмуд дунд тўрун нўр эзлв.

Эн МЖС-н 10-ч номертә механизировани бригад (бригадирнъ ўр Геращенко) эклдж өвс хадснас нааран ола кўртл 11.349 гектар газрт өвс хадчкв, сўл арвн хонгин эргид 5278 гектар газрт өвс хадв, өдрә даалгъвран хойр холван кўцәнә. 3-ч номертә бригад (бригадирнъ ўр И. П. Ломако) 10374 гектар газрт өвс хадв, сўл арвн хонгт 5189 гектар газрт өвс хаддж хурав.

Ода цуг механизатормуд өвсиг шимтә сән деернъ хаддж хурахин аргъ хәәджәцхәнә.

С-Г. ГОШЕНДАНОВ.